

BENEDICTUS Episcopus, Servus servorum
Dei. Ad perpetuam rei memoriam.

Detestabilem, ac divinâ naturalique lege dam-
natum Duellorum abusum, à barbaris gen-
tibus atque superstitiosis, non sine ingenti corpo-
rum, animarumque clade, in Christianam Rem-
publicam auctore Diabolo inductum, cum semper
execrata sit, atque improbârit Ecclesia, tum
præcipuo in eam curam studio, vigilantia, ac zelo
incubuerunt Romani Pontifices, ut à Fidelium
cœtu longissimè arceretur. Nam ut antiquiora
mittamus Prædecessorum Nostrorum, Nicolai I.
(a), Cælestini III., Innocentii II., Eugenii
III., Alexandri III. (b), Innocentii IV. (c)
adversus singulares pugnas Decreta, exstant re-
centiores Apostolica Sedis Constitutiones, quibus
Romani Pontifices Julius II. (d) Leò X. (e)
Clemens VII. (f), ac demum Pius IV. (g)
gravissimas pœnas antea statutas confirmarunt,
aliasque de novo addiderunt, contra Duellantes
ex quacumque causâ, etiam per saculares Regio-
num aut locorum Leges forsan permissa, adjectâ
infamia, bonorumque proscriptione adversus com-
plices

B 2

(a) Epist. I. ad Carolum Calvum.

(b) In Concil. Læranensi cap. 1. & 2. de
Torneamentis, ubi trium Prædecessorum Decreta
citantur.

(c) In Epist. ad Archiepiscopos, Episco-
pos, aliosque Ecclesiasticos Regni Franciæ, apud
Raynald. ad ann. 1252 num. 31.

(d) Constit. incip. *Regis pacifici.*

(e) Constit. *Quam Deo & hominibus.*

(f) Constit. *Consuevit Romanus Pontifex.*

(g) Constit. *En qua à Prædecessoribus.*